



Finansira
Evropska unija

Regionalni program lokalne demokratije na Zapadnom Balkanu 2 ReLOaD 2



u partnerstvu sa **Općinom Novo Sarajevo**

Izveštaj o održanom V (petom) mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u općini Novo Sarajevo

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)¹ u partnerstvu sa Općinom Novo Sarajevo, u utorak, 05. decembra 2023. godine, u trajanju od 10.30 do 13.30 sati, održan je peti mentorski sastanak za zainteresovane predstavnike/ce organizacija civilnog društva (OCD). Sastanku je, pored mentorice i predstavnica Općine Novo Sarajevo, prisustvovalo ukupno **jedanaest predstavnika/ica OCD iz 10 OCD-a (10 žena i 1 muškarac)**. Većina prisutnih predstavnika OCDa donijeli su logičku matricu, plan rada i budžet na konsultacije s mentoricom.

Zaključci sa pete mentorske sesije proizašli iz diskusije i komentara na pripremljenu projektnu dokumentaciju su sljedeći:

- Za ovaj javni poziv dužina trajanja projekta može biti **od 6 do 10 mjeseci** (februar-novembar 2023). Trajanje projekta kraće od 6 mjeseci je eliminatorno. Nije neophodno da projekat počne u februaru, ali se treba završiti u novembru.
- Minimalna vrijednost projekta je 10 000 KM za ovaj javni poziv. Vrijednost budžeta manja od ove propisane minimalne vrijednosti je eliminatorna. Za organizacije koje nemaju iskustvo u implementiranju većih projekata, preporučeno je da planiraju projekte u rangu od 10 000 - 20 000 KM.
- Grantom koji se dodjeljuje u okviru ovog poziva mogu se finansirati **administrativni troškovi** (ljudski resursi, putovanja/ prevoz i kancelarijski troškovi) u maksimalnom iznosu **do 30%** od ukupnog budžeta. Iznos traženih sredstava za troškove **vidljivosti** u kumulativnom iznosu **ne može prelaziti 5%** od ukupne vrijednosti budžeta.
- Neophodno je **pripremiti detaljan narativni opis budžeta** (aplikaciona forma naslov 12).
- **Projekat** treba da ima jaku i koherentnu unutrašnju logiku. **Koncept projektne ideje** treba da je jasan i predstavljen kroz sva 4 dokumenta prijedloga projekta koji su međusobno povezani (**Logička matrica, Plan aktivnosti, Budžet i Aplikaciona forma prijedloga projekta**).
- Ponovljena je još jednom važnost **saglasnosti relevantnih institucija** (ako se radi o sadnji medonosnog drveća važno je da onaj ko gazduje zemljištem izda odobrenje da se ta aktivnost može odvijati na toj parceli) ili kao pisma podrške menadžmenta škola ukoliko će se raditi sa mladim u školama (za rad u školama kao npr. formiranje sekcija ekologije neophodna je saglasnost Ministarstva obrazovanja KS).
- Izazov svih pregledanih LM projekata je predstavljena hijerarhija ciljeva (rezultat, specifični cilj i opći cilj) koja treba da zadovoljava „princip vertikalne logike“.

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD 2



Indikatori opisuju **ciljeve projekta** na operativno mjerljiv način. Indikator treba biti **specifičan, mjerljiv, dostižan, relevantan i vremenski određen (SMART)**. Svaki projektni cilj ima minimum jedan indikator. Indikatori su unikatni i ne mogu se ponavljati tj. **dva cilja ne mogu imati isti indikator**.

Svaki indikator ima dvije vrijednosti, polazište i krajnju očekivanu vrijednost. **Polazište** je vrijednost indikatora u momentu kada se priprema prijedlog projekta. **Objektivno mjerljivi indikator** (druga kolona logičkog okvira) govori o istom fenomenu (promjeni) kao i polazište s tim što je vrijednost ciljanog indikatora drugačija (npr. navesti konkretan broj *inicijativa mladih* samostalno pripremljenih kroz radionice xy, ili navesti *očekivani % usvajanja znanja* u vezi teme xy).

Indikator pokazuje obim/razmjeru promjene (koliko je velika, šta je sve **promijenjeno**).

Indikatori na **nivou rezultata** nisu kao i indikatori na **nivou specifičnog cilja**. (Broj polaznika koji su završili XY obuku – nije indikator kojim mjerite Specifični cilj, ovo je indikator na nivou rezultata).

Uz svaki **indikator** moramo da navedemo i izvor provjere (**verifikacije**), odnosno u kom dokumentu će biti dostupna informacija o kvalitetu/kvantitetu promjene u odnosu na početno stanje. Izvor verifikacije se odnosi na indikator (obilježiti kao i indikator 1.1 ili 2.1.) Indikatori za koje ne možemo da pronađemo odgovarajuće sredstvo verifikacije moraju biti zamijenjeni drugim, merljivim **indikatorima**.

Šesti (zadnji) sastanak sa mentoricom će biti organizovan 8. decembra 2023. godine **od 10,30 sati u Velikoj sali Općinskog vijeća (zgrada Općine Novo Sarajevo, Zmaja od Bosne 55).**

Zbog velikog interesa predstavnika OCDa za mentoring, molimo Vas da svoje prijave dostavite na e-adresu: lora.martic@undp.org, kako bi dobili odgovarajući termin za mentoring sesiju.